




Kibaru

San 21nan Desanburu - san 1993
A songo: DOROME 10 - N° 263

A be bo kalo o kalo "AMAP" ka yamaruya kono - Haks : 16.000
"AMAP" kuntigi : Gawusu DARABO - Diyanbagaw kuntigi: Amadu GANI Kante - Sebenbagaw kuntigi: Besiré TURE

DONSOYA
DABORA
A KECOGO KORO
MA
YELEMA
☞ (A be ne 2 la)



A JEKULUKO KUNNAFONIW BE NE 6 LA

MINISIRI JEKULU
YELEMAKO
SABANAN
☞ (A be ne 3 la)

AFIRIKI
MUSO JEKULU
"AFAO"
KA BAMAKO KUNBEN
☞ (A be ne 8 la)

DONSOYA DABORA AKECOGO KORO MA YELEMA

Kabini san 1978, donsoya lajora Mali kungow bëe kono. O san 15 de ye ninan ye. A sababu bora ja donni de la, jamana kono, san 1973 la, ka sanji tige, ka kungow nagasi, ka sogow silatunun. A masibaw binna bëe lajelen kan, nögonté.

Aye senekeké law bali, ka soro ke, kuma te jiriforotigiw ni mënneké law ma. Aye ji ni kungo mögow bila baarantanya kéné kan. Min ye dowsow ye sa, a ye mone min don olu la, o barika bonyara kojugu. Olu ka marifaw kera masiriw doron de y'u bolo... Kuma lasurunya la, a y'olu ke donsomarifatigi sogofagabaliw de ye. Anwfé farafinna, kabini lawale la, ni sababu ni sababu te, o koro ka ca kosebe.

Nk'a bë fo, ko fén bëe bë ban, don do la. Hali ni ja ma ban pewu, mögo faamuyalenw y'a jira, k'a b'a banbolo de kan, sisani, k'a da sanjiko daguncogo juman kan, min kera sababu ye, ka kungo lakuraya, san o san, katemen körölen kan. Olu de fana ye kungokonçsogow caman seginniko jate mine, ka siga b'a la.

O jatemine be kise kan, bawo, kungo lakurayali ni sogow seginni de bë da nögonté ma, dijnec jamanaw bëe kono, sanko, jako basigilen bë yoro minnu na.

O siratige la, fangaso ye sariya kura ta, ka kungo dayelen, dowsow ye, ka sogofaga yamaruya, san 1994 kalo 5 folo kono. A bë damine, zanwuyekalo tile folo don, k'a kunce mëkalo tile 31 don. Yelema ma don, a ko la, bawo, donsoya tun bë k'o waati yere de kono, kabini lawale la, kana se tubabutile ani Modibotile ma, fo ka s'a bëe lajoli ma, Musatile la. N'a dabora, kokura ye, demokarasifanga kono, ka ben Alifa tile ma, o ye bensenmako ye, min ma latige gansan.

Donsow ka kan, k'o yoro faamuya, k'a donsoya sariyaw bëe lajelen labato, walasa, k'a jira ko demokarifanga bonya b'u yoro.

Donsoya këcogo yere, a sëbenko, a marifako n'a kisëkow, a lënpoko n'a takisiko ani sogo suguya fagataw, olute n'efo »donsohöronw« ye, n'o ye tondenwyé, ka koro. Oluta man gelén. Dugubakönönmögo minnu bë wuli, karidonw ani fetidonw, k'u kunda kungo kan, k'a sor'u te sariya la, olu de bë donsoya lagosi.

MINISIRIJEKULUYELEMMAKOSABANAN

Hakililajiginko siratige la, Musa Tarawele ka fanga binna san 1991 Marisikalo tile 26 don. Jamajekulu ni sɔrɔdasijekuluw, minnu jera ka Musa n'a ka mogow minɛ, k'u don kaso la, olu bennna Zenerali Amadu Tumani TURE kan, n'o ye ATT ye, k'oké Peresidan ye, sani demokarasifangako ka basigi. O kera san 1991 Awirikalo tile 5 don. ATT ye Sumana SAKO ta, n'o ye Zu ye, k'oké minisiri fɔlɔ ye. ZU sɔrola ka minisirijekulu sigi sen kan, n'o be wele ko «Guwərenaman». Demokarasiko, n'o ye jemufangako ye, o sariyasebènkow, a fangabolokow, a wotekow n'a nɛmogɔsigilikow bɛe lajelen bilala bolokelen kan., ATT ka fanga waati de kɔnɔ, n'an b'o wele ko furancefanga. Ofanga latemenni daminera Musa ka fanga bindon na; k'a kuncé Alifa ka fanga tadow na. ATT n'a ka mogowyé fanga bila san 1992 Zuwenkalo tile 8 don. Olu ka furancefanga waati bennna kalo 14 hake de ma, min kɔnɔ, minisirijekulu yelema fila ni saba nɔgɔn kera. Peresidan Alifa Umaru KONARE sigira fanga kura min na, san 1992 Zuwenkalo tile 8 don, n'o ye demokarasifangaye, o ménko folɔténinyye, jamanadenw tulo la, kabini Mali y'a yere ta, san 1960 Setanburukalo tile 22 don. Nk'a yeko fɔlɔde ye nin ye. A ma ke Modibo yere fe, kuma te Musa ma, min binkun ker'a banni ye, demokarasiko tɔgo foli ma, kuma t'a basigili ma, ale tile la, Mali kɔnɔ. Alifa sigiwaati ni ninan san 1993 Nowanburukalo furance be ben kalo 17 hake de ma. O furance kɔnɔ, minisirijekulu yelemarra siŋe saba. Peresidan Alifa sigilenkura ye minisiri folɔ minta, o kera Yunusi TURE ye. Yunusi ye minisirijekulu folo min sigi, san 1992 Zuwenkalo tile 10 don, an'olu bɛe lajelen de

wulila, nɔgɔn fe, san 1993 Awirilikalo tile 9 don. Alifa ka minisiri fɔlɔ kura talen kera Mɛtiri Abudulayi Seku SO ye. Ode ye minisirijekulu filanan sigi sen kan, san 1993 Awirilikalo tile 12 don. Nka, yelema wajibiyali ye Alifa bila, ka Abudulayi Seku SO ta tugun, k'o yamaruya, kokura ye, ka minisirijekulu sabanan sigi sen kan. Ode kera san 1993 Nowanburukalo tile 7don. Osigicogo file : Abudulayi Seku SO kera Minisiri Fɔlɔ ye. Jɔnkunda TARAWELE kera jamana lakanalikow minisiri ye. Yɔrɔ JAKITE kera dugujukorɔfenkow ani jikow ni kurankow minisiri ye. Mohamedi Agi ERILAFU kera sigiyɔrɔw matarafalikow minisiri ye. Komandan Modibo SIDIBE kera kɛnɛyakow ni hadamadenyakow minisiri ye. Madamu Fatu HAYIDARA kera bololabaarakow ni jamana yaalalikow minisiri ye. Bubakari Karamoko KULUBALIKERA farikolokɛnɛyakow minisiriye. Bubakari Sada Si kera cikekow yiriwali minisiri ye. Abudulayi JOPU kera forobasojɔkow minisiriye. Hamidu JABATE kera sariyakow ni kiirkow minisiriye. Usmani Umaru SIDIBE kera forobabaarakow minisiri ye. Musutafa DIKO kera sanfekalanbolo ni cemancekalanbolo ani ninikow minisiri ye. Liyetenan koloneli Sada SAMAKE kera jamana marabolokow minisiri ye. Shekina KAMISOKO kera sekow ni dɔnkow ani kunnafonikow minisiri ye. Bakari Koniba TARAWELE kera jagokow, iznikow, bolifenkow ani fangaso kumalasekow minisiri ye. Ibarahima Bubakari KEYITA kera jamana kɔkankow minisiri ye. Adama SAMASEKU kera jukɔrɔkalanbolo minisiri ye. Amédi Eli Madani JALO kera peresidansi sekeretèri zeneralie ye, k'a bila minisirijoyɔrɔ la.



Kabini Alifa sigira, Minisiri jekulu yelema saba kera, kalo 17 kɔnɔ

Kibaru Kanubagaw n'a

Wari

A poyira min!
 A poyira dijé fan bée
 Mun de poyira
 Wari de poyira
 A kéra jón ta ye?
 A tigi ma dón.
 Béé bе kule n'a tógo ye.
 An bе taa kóronfè, an bе taa tilebifé
 An bе taa an nе, an bе segin an kó
 Su be janjo, kuma tе tile ma.
 Béé wulilen bе k'i jo.
 Cew ko: wari bе musow bolo
 Musow ko: cew ye waritigi ye.
 Faamaw kumakan ko wari
 Faantanw kasikan ko wari
 Jón de ta ye wari ye?
 Dijé jóra senkan wariko in na.
 Jini kojuman n'a juguman bée bе
 ke a nöfè
 N'a b'i bolo, i ye jamatigi ye.
 N'a banna, i bе ye k'i to ye.
 Hali mógo kuma juman i tе wele o
 kene kan.
 A ye waritigi jini n'ye.
 N'a fóra ko min ye waritigi ye, o
 kulekan ka bon bée ta ye.
 E! Nbadenw an k'an hakili to jögön
 na.
 An ka jögön demen, ka jögön són
 hakili la.
 Waritigiw, a' ye hine.
 Waritanw, a' ye munjün.
 Faamaw, a' ye miiri.

Wari bе ban, hadamadenya tе ban.
 Ala ka an són hakili juman ni sabali la.

Amadu Kulibali

Balikukalan karamogo
 Banani—Dunba.

Maana

Nin kéra cekoroba dō n'a den ye. Den
 tógo ko Nci.
 Ni cekoroba tun ko nci ma : «Taa nin
 kе», yanni cekoroba bе tila kuma na, o
 b'a soro a taara o jenabó ka na. O ye
 cekoroba kónnagan.
 A nan'a wele don dō la a ka taa soke
 san. O y'a soro kolonkiseko tuma don.
 Aye kolonkise dota k'a d'a ma. Ataara
 se sonsanyorla. Ay'i jok'a miiri, so fin
 don wa, so jeman don, wa a ma se k'o
 dón. O tuma, a y'a yere yelema ka kе
 kono belebeleba ye, ka n'i sigi u ka
 bulonba da la. Mogo nan'a laje. Mogo
 si ma se ka kono in sidon.
 Cekoroba min y'a ci, a nan'i kanto ko «
 n'i y'a soro ne denke tun bе yan, a tun
 bе kono in tógo dón», ko nka, ale y'a ci,
 a ka taa soke fin san.
 O fóra yoro min, kono sinna ka wuli, a
 taara soke fin san ka n'a di a fa ma.
 A nalen, fa ko a ma, ko : « e taalen ko
 kono suguya dō nana yan, an ma se
 k'a tógo dón ». A ko : «ee ! baa, a'ma se
 k'o tógo dón ?» fa ko ayi. A ko : «oo!
 n'aw ma se k'a tógo dón, a tógo ko
 mëkawuli ».

Usumani Danbele
 balikukalan karamogo
 Yiringaso, Bilenjo mara la.

An ka yele unccp

Nin kéra Jarake do ye.
 Don o don, a bе taa foro la, a muso
 bе taa dumuni di a ma.

Don dō la dumuni ma se ka taa
 joona. Odon jarake dimina ka dimi,
 fo a muso nana ni dumuni ye ka
 dumuni sigi jiri koro, ka na ji d'a ma.
 Jarake dimi kojugu, a ma són ka ji
 min. Muso fanako : «Jarake, dumuni
 bе jiri koro ». Jarake ma kuma, a ye
 muso nin mine k'a gosi kosebè.
 Jarake ko a muso ma ko muso ka
 taa a faso la, ko ale y'a furusa.
 Muso kasibaato taar'a sigi jarake
 ka so kono.

Waati min na jarake natuma sera
 ka bō foro la wulada fe, muso nan'a
 sigi jarake ka du cemance la k'a
 tafe bolo labila duguma. Jarake
 nana ka bō foro la. A n'e dara muso
 ka tafebolo bidden kan duguma,
 jarake n'e dara muso ka jakumafin
 kan. Jarake ko: pati!, a ko : aa! pati.
 Amusotogojeneba. Ako «Jeneba!»
 jeneba ma kuma a fe. A ko : »nba, i
 ni ce! jeneba, nba, i ni ce! i ka
 dumuniminew file. Ne ye sene
 caman ke bi dë. E ye ne soro yoro
 min na, o banna pewu, ka kunun ta
 to fana ban pewu. Jeneba, ne ye
 doko jalan caman fana ci; n'e taara
 foro la sini, e n'a bе na i bolo».
 Jarake ka kélé banna pewu.

Usumani Sanogo
 Zeyena, Zangaso fe

Kalanbagaw Kuma yoro

Poyi !

Kilela

Senekela i ni ce, i ni nani, i ni segen, i ni ko laban.! Mogoo o mogoo mana wuli ko senekela, sene! O kuma foli ye tine ye wa ? Hun hali ni tine don anw fe yan Mali kono, aa ! baara b'a la. Mogow ko ne togo ye senekela, ne t'o ye, ne togo ko segenkela. Su ni tile nbe sene na, ni samiya diyara, baara sorola, ni san ma na ka caya, kara sorola. Karamogow b'aw b'ee wele ka na dugaw ke, walasa sanji ka na ka caya. Ni san dun nana ka caya, o fana be tila ka ke neri ye an bolo. N'a dun fora sariyaw labatoli walima jama jini, b'ee b'i boli ka senekelaw de segeré. Ni u sago sorola kaban tuma min na, o y'a bannen ye. Ee ! sene ! b'ee ko sene ka di, nka maa si t'a fe a den ka ke senekela ye walima a yere.

Senekela ! e kera furanan ye ka yoro furan k'a je. Ni u bilala o yoro jelen na u be tila k'a fo a ye nin fen nogolen, ta ka bo an kerefe. Senekela, i ta to Ala, n'a kira ma.

Bi ka di do la, sini fana ka di do la. Senekela de be duraw sara mogow ye, ani jamana ye. Mogoo te duraw sara senekela ye jangoka sejamana ma. N'i y'a men faso jigi joni de kodon. Mali togo sorokokanjon ! sorog yiriwalibagaw ye joni ye !

Namamafen te fen si faga n'a ma nama ko ke.

Amadu Sunkara
Ka bo Molobala
Kucala mara la.

Nin ye kunnafoni ye min bora Kilela mara la Siyani dugu kono, Sikaso kafo kono, Tilajolo Sankare yoro, ka ci Kibaru ma Bamako. N'b'a jira waati min na mogow girinnan fanga no fe u bee ko senekelaw, baganmaralaw ani monnikelaw, dow ye u sago sorog dow ma u sago sorog.

Kow sigira bolo kelen kan nka jinan kera senekela kobawofanga te kumala senefenw songo ko la, i n'a fo koori, kaba, keninge, sajo, malo, tiga, ani fen werew, n'i ye jatemine suman kilo kembe fila be feere ka ke ka kogo kilo biduuru kelen san; gelyea temenna o kan wa? Wotew be ke tuma min bee ko senekelaw.

Jamana baarada mogotow ko sara ka dogo, senekela kunko te fo, ko senekelaw de ye cemance jiri ye. Ni do be farala saraw kangoferenaman fana k'a laje ka do fara senefenw songo kan. Senekela ka miirla anwbodemokarasi la ko do de be bo gelyaw la; do de be fara senekelaw ta kan, ni fara kera saraw la a'ye senefenw laje. Sikaso jamana la senekelaw be Mali sariyaw labato nka jinan kera u ko.

Nbe Kibaru baarakelaw bee fo, ka arajo Mali mogow bee fo.

Tilajolo Sankare
Ka bo Siyani Sikaso kafo.

Ka bo
julabugu

Nin ye bataki ye min sebennan aw balimake Salifu Danbele ani Mamutu Tarawele fe, ka bo Julabugu Kodiware

jamana kan. An be bataki in ci Kibaru nemogow bee lajelen togo la ani Kibarulaselaw bee ma Bamako Mali kono.

An be foli kerenkennen jesin an ka jamana kuntigiw ma ani kibarudilanbagawkuntigli AMAP, kuntigi Gawusu Darabo ani Basiriki Ture ni kibaru baarakelabee lajelenw ma. An'ye kibarukanubaga numanw de ye jamana kokan, nka an ma jine faso ko cogo si la.

Tuma bee fana an ka arajo bilalen don an faso arajoso la. An be arajo lamen juma o juma fana.

Anwkafoli be ketaa kibaru nemogow bee lajelen ma sanga ni waati bee. Hali bi an be dugaw don an ka nemogow ye, Ala k'an ka jamana sorog yiriwa ka taa ne.

Ar be foli di an ka nemogow ma u ni cesiri u ni fasobaara k'a da kan u ye an ka faso kan kalanni dodala min ke o ye ko nafama ye faso kono kosebe; o nognun kunnawolo ko te faso kono. Minnu lafaamuyalen te, olu t'a don ko faso kan ye fen belebeleba ye.

N b'a jini aw fe a' k'an sama kibaru la san kalo tan ni fila kono. An b'a jini aw fe kalo o kalo aw ka kibaru bila ka na. An ye mogoo fila ye kelen te an mogoo fila labo.

An ka foli be Basiriki Ture ani Amadu Gani Kante ani Mamadu Lاما Jara ye. Aw balimake Salifu Danbele ani Mamutu Tarawele ka bo Julabugu negejuruso la BP. 954 DIWO (RCI).

Salifu Danbele ni Mamutu Tarawele
ka bo Julabugu BP. 954 (Diwo)
Kodiware jamana.

Cikɛjɛkuluko basigira k'a ke sariyalako ye

Kabini tubabuw y'u kɔdɔn, Mali kelen k'a yɛrɛ ta, cikɛlaw ye bolodacogo ni labencogo suguya bɛɛ y'u ne la. A kera cogo o cogo, Modibotile fara Musatile kan, cikɛla kelen si ma jininka, kuma tɛ, k'a sen don, cikɛlaw ka nafasɔrsirakow la.

O siraw, an'u dondaw n'u bɔdaw, olu latɛmencogow bɛɛ tun bɛ dantigɛ Bamako, k'a t'u waleyali ke wajibiyako ye, cikɛlaw bolo. Cikeduguw kɔnɔ, a dantigelikela minnu tun b'a kow nɛfɔlikumaw sɛbedajira, walasa, mɔgɔw k'u faamuya konuman, olu tun ka dɔgɔ, kɔsɛbɛ.

A ka c'a la, a bɛɛ tun ye mɔgɔ kɔrɔtɔlenw de ye, tileniko tɛ minnu ka «kungokɔnɔtaama» la, kuma tɛ siliko ma. N'a walew latɛmensirako gelyara dugu minnu cikɛlaw bolo, n'olu ma jate salabagatow wali banbaganciw ye, u bɛ jate mɔgɔw ye, fanganɛmɔgɔw komandi minnu ye, wali k'u ke fasojuguw dɔrɔn ye.

Fo k'a taa se demokarasi fanga basigili ma, bonya kisɛ kelen si ma da Mali cikɛlaw kan.

kan, cikɛlaw ka mɔgɔ yamaruyalenw tun bɛ kene min cɛma, n'an b'a wele ko konferansi nasɔnali, cikɛla yɛrew ye faamuyali ke.

U y'a dɔn k'u ma wele «nɔgɔnnɛgɛnkɛnɛ» kan. O'y'u kunnawolo, k'udiya don, u yɛrew la. Nka, fɛn min ye cikɛlaw hakililatige, f'u dar'a la, k'u bonya bɛ nɛmɔgɔ kuraw yɔrɔ, o y'u weleli ye, san 1991 Desanburukalo la, ka n'u fara nɔgɔn kan, Bamako, u tɔgɔla kene kan, u k'u tɔgɔla kumaw fɔ, fo k'u wasa.

O kunben min nɔgɔn ma deli, ka ke jamana kɔnɔ, kabin'a bɛ f'a ma, ko Sudan Faranse, fo ka n'a ke Mali ye, o latɛmɛnko juman y'a labenbagaw lafiya, ka cikɛlaw lafonni.

A kera sababu ye, ka nɔgɔ bɔ fɛn kelen na, k'o jeyɛ bɛɛ ma, bawo, fanganɛmɔgɔw tun jate ma b'a kan, wali, ban tun kelen b'a ma, kabini cikɛlaw ka sɔrɔkow bilala fangaso ka bolo kan. O fɛn min kera kumaw kolomayɔrɔ ye, ni bɛɛ y'a faamuya yɔrɔnin kelen, o b'a jira ko cikɛlaw tɛ se, ka boloda, cikɛla yɛrew kɔ tugun.

Cikɛlaw tɛ boloda, u yɛrew kɔ tugun

Kabini Musa ka fanga binna, ka furancɛfanga di ATT ma, jamajɛkuluw fe, ka jamana kɔnɔ mɔgɔ suguya bɛɛ ka ciden sugandilenw wele, san 1991 Zuluyekalo la, k'u fara nɔgɔn kan, Bamako jamana taabolo kura dantigeli kene

Ab'in'a fɔbaarakela tɔw tɔgɔla kumaw tɛ se, k'a f'u kɔ, cogo min na. Gelya fɛn o fɛn tun bɛ cikɛlaw ka bolodali walewbali, ka sira sɔrɔ, olu sababu ye cikɛlaw bilali ye, bolokofe, u yɛrew tɔgɔla kow dantigeli kene kan.

Sariya ye sebaaya di cikejekuluw doron de ma

Walasa cikela minnu ye sɔrɔkɛlaw ye, olu kana ke bolokofe mɔgɔw ye, tugun, Mali kɔnɔ, mɔgɔ faamuyalen minnu sugandira, k'u ka kunben kumaw jate minɛ, olu yamaruyara, ka sèben dɔ dilan, cikɛlaw labencogo kura kan, bɛe nafalan ni bɛe wasalan dantigelen bɛ sèben min kɔnɔ.

A jirala ko n'o labencogo kura benna cikela yɛrew ma, k'a bɛ ke sariya ye. A baaraw kuntaala janyara kɔsɛbe. Nk'a sèben kɔnɔkow benna bɛe lajelen ma. A de kɔson, a kera sariya ye, san 1993 Zuluyekalo tile fɔlɔ don.

A sariya bɛ tali ke jekuluko n'o nɛmɔgɔko de kan fɔlɔ. O jekuluw n'u nɛmɔgɔw bɛ sigi yɔrɔ minnu na, jamana kɔnɔ, o yɔrɔw dantigera. U sigicogo n'u sigikun nɛfɔra.

Danfara minnu bɛ cikejekuluw ka sebaaya ni fangaso n'a bolofaraw ani yiriwalijekulu wɛrew ka sebaayaw ni nɔgɔn ce, o danfaraw jirala bɛe la.

A sèbennen b'a sariyasèben kɔnɔ, ko ni mɔgɔ o mɔgɔ te cikejekulu la, k'o ka kuma te minɛ, cikɛko fan si la, Mali jamana kɔnɔ.

Hali n'a dann'o yɔrɔ doron ma, a bɛ se, ka fo, k'a sariya ye cikɛlaw kunnawolo, k'u kunkɔrɔta, k'u dusu sumaya, k'u hakililatigɛ, k'u jigi sigi.

A ko mana lajɛ, bolo o bolo kan, o b'a jira, k'a labencogo nɔgɔn te, farafinjamana kelen si kɔnɔ.

Jama de bɛ cikejekulu mɔgɔw bɛe sugandi :

Mali cikɛlaw labencogo kura sinsinnen bɛ jekuluw n'u nɛmɔgɔw sigili de kan, min bɛ damine dugu bɛe kelen-kelen kɔnɔ, fɔlɔ. O mɔgɔ sugandilenw de bɛ ke dugucikejekulu ye. Dugu minnu jelen bɛ Arɔndisiman kelen na, olu cikejekuluw de bɛ fara nɔgɔn kan, k'u ke Arɔndisiman cikejekulu ye. Arɔndisimanw cikejekuluw de bɛ ke Serikili cikejekulu ye. Serikiliw cikejekuluw be ke Mara cikejekulu ye. Mara cikejekuluw de bɛ ke Mali jamana cikejekuluba ye. O nɛmɔgɔso be Bamako dugu yɛre de kɔnɔ.

Cikejekuluw mɔgɔw bɛ sugandi, ka d'u ka baaraw de kan, minnu dantigelen b'u ka sariyasèben kɔnɔ. O ye sɛnɛkɛlaw, jiriforotigiw, baganmaralaw ani mɔnnikɛlaw ye. O baara suguya naani kɛbagaw de ka mɔgɔ sugandilenw bɛe bɛ fara nɔgɔn kan, k'u ke cikejekulu ye.

K'a ta kabini dugu kɔnɔ, fo ka se Arɔndisiman, Serikili, Mara anijamana Faaba ma, n'o ye Bamako ye, o mɔgɔ sugandilenw doron de bɛ kuma, bɔyɔrɔw cikela tɔw bɛe tɔgɔ la. Fangaso yɛre te wale fosi jutigɛ, ni cikɛkuluba ma jen n'o ye, kuma te baarada wɛre ma. Fen o fen bɛ cikewalew yiriwa k'u sankɔrɔta, u yɛrew ka sira fe, wali, dɛmen sira fe, olu de b'o naniya siri fɔlɔ, ka tila, ka wele bila faamaw; setigiw, dɔnninkɛlaw, nininikɛlaw ani mɔgɔ faamuyalenw ma, foroba kunda ani kɛnɛreye kunda, jamana kɔnɔ, an'a kɔkan.(A tɔ bɛ "KIBARU» nata kɔnɔ).

Afiriki Muso jekulu «AFAO» ka Bamako kunben



Bamako kunben nemogé sigi yoro

San 1983 la, Afiriki jamana 16, minnu b'a tilebinyanfan fe, olu musow ka jekulu min be wele ko «AFAO», o sigira sen kan, Konakiri, Lagine jamana kono. Jamana kuntigi minnu y'a sigi, olu tun ye njogon sor'u ka jekawaleton, «CEDEAO» kubenken de kan. Olu jenna n'a sigili ye, walas'a jamana 16 musow ka se, k'u barikaw fara njogon kan, ka cew deme, yiriwalikow ni netaakow la. Jekawaleton minnu basigilen be Afiriki tilebinyanfan jamana dow ni njogon ce, olu suguyaw ka ca, kosebe. A dow nesinnen be lakanalikow ni kelekow

ma, ani bangakow ni jagokow. Nka, jekawaleton min ye «CEDEAO» ye, n'o nesinnen be nafasoroko suguya bee ma, o jamana kafolenw haké de ka ca, n'a tow bee ye. O yoro de be barika don «CEDEAO» ka walew bee la.

Musow lajereli b'o walew la. O de sera, k'olu bee ke muso jekulu kelen ye. «CEDEAO» jamanaw nemogow n'u konomogow bee jigi dalen be «AFAO» kan, musow joyrojirali la, fasobaarakow

la. A muso jekulu ka kunben 4 nan baaraw kera Bamako, san 1993 Okutoburukalo tile 25, n'a 26 kono. A bolofara minnu sigilen b'a jamana 16 kelen-kelen kono, olu nemogow dafalen tun b'a kunben kene kan. Olu bee lajelen de be kuma bee fo, ka fen bee ke «AFAO» togola, Afiriki ani dije jamanaw n'a demejekuluw bee kono. Olu de y'a jekulu kunkoloyanfan ye. Olu de b'a nafolokow, a sebenkow n'a walekow dantige.

Bamako kunben in baaraw kuncera n'an balimamuso, Madamu JAKITE Fatumata NJAYI sugandili de ye, k'a bila «AFAO» kuntigya la, fo ka taa se san 1995 ma, bawo, kuntigi kura de be sigi, san fila o fila hake kono. Osiratige la, an be se, k'a fo, ko sisan, baara de farala baara kan, Fatumata NJAYI bolo, k'a masoro, san 1993 Mekalo la, Peresidan Alifa Umaru KONARE y'a sugandi, k'a bila musow ka kuntigya la, Mali kono. O ye joyro fila sorolen de y'a bolo, san kelen kono. Nk'a joyrokelen si sabatili ni sigili